

Theologia Scholastica Secundum Viam Et Doctrinam D. Thomæ Aquinatis, Doctoris Angelici

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

Articulus III. Quænam creaturæ defacto videantur, aut videri possint in
Deo?

[urn:nbn:de:hbz:466:1-73455](#)

essentia tanquam causa præcognita & eminenter continentis, creatura quoque possibles & actuales videntur.

20. Colliges quartum. Quid ista potius, quam illæ creaturae possibles in DEO videantur, rationem aliquo modo peti debere ex ipsis creaturis possibilibus, quarum aliqua, quia in essendo & modo essendi sunt alii perfectiores, sublimiori activitate & virtute ad sui productionem indigent: sive intra finum divinæ omnipotentia & essentia.

tæ magis reconditæ latent, quæ proinde ut ab intellectu videntis penetrantur, perfectius lumen gloriae requirunt. Quod exponens S. D. q. 8. d. Ver. a. 4. ad 12. Cognitio causa, inquit, in promptu est, ut aliqui effectus cognoscantur in ipsa, aliqui vero magis lateant; sic pater, quod ex principiis demonstrationis statim aliquæ conclusiones elicantur, quadam vero non nisi per multa media, &c. Similiter est etiam cognitio rationum intelligibilium de effectibus respectu essentiae divinae.

ARTICULUS III.

Quænam creaturae de facto videantur aut videri possint in DEO?

S U M M A R I A.

1. Necesse est videri possilia in communi.
2. Visio ut beatificans debet representare creaturam in particulari.
3. Absolutè potest dari visio DEI sine visione creaturae in particulari.
4. Non est major ratio, cur possit dari non visus aliis quibus, quam non visus omnibus.
5. Creaturae possibilis formaliter terminant omnipotentiam sub ratione producibilis ex nihilo.
6. Non obest visioni confusa representatio objecti secundarii.
7. Ex cognitione omnium possibilium in DEO, sequetur comprehensione Divinae omnipotentie.
8. Varia instantia contra rationem S. Th.
9. Anima Christi non videt terminum scientie visionis intensive, sed extensivæ adequatrum.
10. Beati vident totum terminum potentia generativa in patre, sed non totaliter.
11. Si in se ipsis videntur omnia possilia, videatur terminus Divine omnipotentie materialiter, non formaliter.
12. Omnia possibilia collectivè adequateant Divinam omnipotentiam.
13. Non omnia libera decreta possunt terminativè videri à beatis.
14. Possunt omnes creature actuales videri.
15. Videntur à sola anima Christi.
16. Cognoscunt Beati omnia mysteria fidei.
17. Item species universi & que ad statum pertinent.
18. Ideo Christus videri omnia objecta Divine scientie visionis, &c.
19. Videntur hec simul & ab initio beatitudinis.
20. Exponitur locus Dan. c. 10.
21. Tripliciter datur nomen de DEO.
22. DEUS à creaturis duabus modis nominari potest.
23. Cur Beati possint formare de DEO nomen & non verbum?

§. I.

An Divina essentia videri possit sine aliqua creatura in particulari?

1. Suppono primò. Non posse videri Divinam essentiam, quin videantur saltem creature possibles in communi: neque enim distinctione videri potest divina omnipotentia, nisi videatur ob-

jectum & terminus formalis ipsius: sed hoc sunt creature possibles in communi, ergo.

Suppono secundò. Non posse dari visionem beatificam divinæ essentiae, quæ nullam videat creaturam aequalem etiam in particulari. Ratio est, quod, ut ex instituto dicetur in Tract. de Act. b. vi, visione divinae essentiae quatenus beatificans debet videntem formaliter certificare de sui perpetuitate & inammissibilitate: atqui hoc non facaret, nisi se ipsum ut perpetuandam vi divini decreti videret in divina essentia: ergo si ipsum videt, estique virtualiter reflexa in se ipsum: & consequenter videt creaturam aequalem. Dixi tamen visioni quæ beatificant hoc competere: quia istud prædicatum non convenit ipsi essentia: ut viro, sed uero beatifica: prout loco cit. dicitur. His suppositis sit

CONCLUSIO I. Potest absolutè videri divinae essentia non visu aliquâ creaturâ possibili vel actuali in particulari. Ita communiter Thomistæ cum S. D. a. 8. ad 4. ubi refert testimonium S. Augustini l. 1. conf. c. 4. Infelix homo, qui scit omnia (scilicet creature) te autem nescit: beatus autem, qui te scit, etiam illa nescias. Qui vero te & illa novit, non propter illa beator est, sed propter te solum beatus.

Ratio est primò. Ut intuitivè videatur aliqua causa, & virtus eminenter continens effectum, sufficit, ut terminus & objectum videatur secundum rationem formalē: sic enim potentia virtualis quidditativè cognoscitur, cognito colore in communi, tanquam termino formalis ipsius, & principia demonstrativaclarè videri possunt non cognitâ conclusione, quæ virtualiter continetur in ipsis: atqui particularitas creaturarum sive possibilium sive actualium non pertinet ad formalem, sed materialē tantum rationem & exercitium divinae causalitatis & omnipotentie: ergo essentia divina ejusque omnipotentia clarè videri possunt, non via aliquâ creaturâ in particulari.

Ratio est secundò. Divina essentia videri potest, & de facto videtur à beatis sine multis creaturis in particulari: ergo etiam videri potest sine omnibus. Antecedens constat ex §. Ieq. Consequentia probatur: Divina essentia in representando tam est independens & absoluta ab una creatura, quam ab altera: ergo si videri potest

sae aliquibus in particulari, non est ratio, cur non pariter videri possit sine omnibus.

Objecies primò. In tantum creaturæ possibilis videntur in DEO, in quantum DEUS illas eminenter continet, & habet necessariam connectionem cum illis: sed DEUS continet eminenter non tantum creaturæ possibilis in communis, sed etiam in particulari, & habet necessariam connectionem cum illis: si enim vel una creatura existens fieret impossibilis, colleretur divina omnipotens: ergo etiam est necesse, ut creaturæ possibilis in particulari videantur in DEO.

Repl. Videntur creaturæ in DEO, in quantum habent connexionem & continentiam sub aliqua ratione formalis, nempe producibilitate ex nihilo, conc. secundum rationem materialem, qualis est particularitas effectus pertinens ad exercitium potius quam ad virtutem creandi, nego. Tamen etiam secundum hanc extensionem materialem creaturæ videri possint & videantur in DEO, tamen omnipotens sufficienter videri posset, non sìla ejusmodi ratione & extensione materiali.

6. Objecies secundò. Si essentia divina creaturæ possibilis tantum in communis repræsentaret, tunc illas confusè repræsentaret, sed hoc est contra perfectionem tam divinae essentiae, quam visionis, qua quicquid videt, clarè videt.

Repl. dicitur, maj. confusè repræsentaret, confusio sibi intrinsecā, & ortā ex defectu divinae essentiae, nego, extrinsecā & ortā ex imperfetta dispositione videntis, conc. Nec est contra perfectionem visionis, si objectum aliquod materialem confusè percipiat, dummodo primarium, quod est essentia divina, clarè percipiat.

§. II.

*An omnes creature possibilis videri possint
in DEO?*

7. Adhuc quæstionem præcedenti è diametro oppositam responso & CONCLUSIO secunda est negativa, quam habet S. D. hic a. 8. & 3. contra gentes. c. 56. Ratio ipsius est: Si videntur in divina essentia omnes creature possibilis, comprehendetur divina essentia & omnipotens: sed hoc implicat, ergo. Sequela probatur: quando in virtute ipsius causa videntur omnes effectus, & termini possibilis ipsius, tunc comprehenditur ipsa causa: sed creature videntur in divina essentia, tanquam in causa: ergo si omnes possibilis viderentur, comprehendetur ipsa divina essentia. Major rursus probatur: illud comprehenditur, quod cognoscitur, in quantum est cognoscibilis; Sed si causa cognoscitur secundum omnem suam productionem, omnèsque habitudines, quas habet ad quoscumque terminos & effectus producibilis, cognoscitur in quantum est cognoscibilis: ergo comprehen-

ditur.

8. Objecies. Non sequitur, quod viso termino adiquatus Divinae omnipotentis. Beati videantur eandem omnipotentiam in quantum est intensivæ virtutis, sed ad summum, in quantum est extensivæ virtutis: ergo non sequitur, quod illam intensivæ comprehendant.

Antecedens probatur primò. In sententia probabilissima anima Christi videt adæquatum objectum scientiæ divinae visionis, nec tamen sequitur, quòd candem intensivæ comprehendat. Secundò. Beati vident adæquatum terminum Divinae generationis, nempe Filium, sicut & adæquatum terminum virtutis spirativæ, nempe Spiritum S. nec tamen sequitur, quòd vel generationem vel spirativam virtutem intensivæ comprehendant, quia non vident illam totaliter, & in quantum est cognoscibilis. Tertiò. Si beati viderent (*seu per possibile, seu per impossibile*) per species infusa omnes creature possibilis in se ipsis, non comprehendenter Divinam essentiam: ergo neque, si videant in speculo Divinam essentiam. Quartò. Si etiam sive per possibile, sive impossibile producerentur omnia possibilia, tamen in esendo non adæquarent perfectionem Divinæ omnipotentie: ergo neque cognitio omnium possibilium adæqua perfectionem Divinæ omnipotentie in cognoscendo, adeoque Divina omnipotencia non comprehenditur.

Repl. nego antec. ad cuius primam instantiam est disparitas, quòd creaturæ actuales & futuræ non sint terminus intensivæ, sed extensivæ adæquatus increata scientia visionis: cum scientia visionis habeat virtutem infinites plura videndi, unde tamen anima Christi videat in Verbo omnes creature aliquando productas, vel producendas, non tamen eandem intensivæ comprehendit. At contraria creaturæ omnes possibilis quatenus ex Divina omnipotentia fluentes sunt ejusdem terminus intensivæ adæquatus, unde ex earum omnium visione sequeretur intensiva comprehensio Divinæ omnipotentie.

Ad 2. instantiam disparitas est, quòd licet beatitudi videant totum & intensivæ adæquatum terminum virtutis tam generativæ, quam spirativæ, non tamen illum vident totaliter, & secundum omnem intensivam perfectionem sua processio-
nis; ideoque neutrā virtutem comprehendunt. Si verò videntur in DEO omnia possibilia, omnem simili modum essendi, omnem producibilitatem, adeoque & omnem virtutis productivæ perfectionem conspicerent; adeoque eandem comprehendenter.

Ad 3. instantiam permisso antecedente nego consequentiam, Disparitas est, quòd in facta hypothesi tantum videretur adæquatus terminus Divinae omnipotentis materialiter, non autem formaliter & sub ea ratione, quā derivatur à virtute causa; ideo sicut omnes creature possibilis in suo esse producito materialiter spectato sunt ens ab alio, limitatum, potentialitatē immersum, nec proinde ad Divini esse plenitudinem pertingunt; ita etiam omnia possibilia in se ipsis cognita, non exhaustirent purissimam actualitatem & cognoscibilitatem sua causæ. At verò in nostra hypothesi omnes creature possibilis viderentur in ratione termini Divinæ omnipotentis formaliter, quia videntur secundum omnem rationem, secundum quam è sinu Divinæ omnipotentis promanant.

Ad 4. Resp. Etiamsi omnia possibilia producta distributivæ sumpta non adæquarent virtutem Divinæ omnipotentis; eandem tamen adæquarent sumpta

sumpta collectivè, & in esse producti exhaustirent virtutem productivam DEI, qua ipsa de causa eorum omnium simultanea productio implicat. Unde instantia ipsiis potius Adversariis ei solvenda.

13. Ex haec tenus dictis sequitur, neque omnia libera decreta DEI ab ullo beatorum terminative cognoscendi posse, supposita doctrinâ, quod divina voluntas circa nullas creaturas sive futuras, sive non futuras suspensa manere, aut negativè tantum se habere possit. Decreta enim divina terminative cognoscendi nequeunt, quia terminus corundem in obliquo connotatus cognoscatur: sed ad terminum divinorum decratorum in hac hypothesi pertinent omnia illa possibilia, quae ad statum non futuritionis sunt divinitus relegatae; ergo nisi omnia possibilia videantur (qua videri non posse ostendimus) omnia quoque decreta in DEO videri non possunt. Dixa tamen terminative, non subjectivæ, quia cum subjectivæ accepta sint actus ipsæ divina voluntatis forensiter & necessariò in DEO existens, ab ipso attributo voluntatis divinæ virtualiter indistinctus, hanc dubiè à beatis videantur in DEO.

§. III.

Quanam creature actuales & quomodo à beatis videantur?

14. Certeum est primò. Posse omnes actuales creature in DEO videri, cum nulla sit assignabilius implicantia, & ita de facto juxta S. D. in 3. p. q. 10. art. 2. & communem Theologorum ab anima Christi videantur. Quia ut modo dictum, non idcirco comprehenditur scientia visionis, quod omnes illæ creature videantur, quia scientiae visionis obiectiuntur, quod enim scientia visionis non ad alia & plura objecta se extendat, non est, quia futura adequant virtutem scientia, sed quia libera DEI voluntas plura objecta è statu possibiliter educere noluit in statum realis existentia, in quo solum scientiam visionis terminant & dominant.

15. Certum est secundò de fide, à ceteris beatis non omnes creature actuales videri, ex illo Matth. 24. & Marci 13. ubi Christus affirmat, quod de ultimo die judicii nemo seit, neque Angelî in celo. Ac præterea, quia nulli puræ creature concessum est, cognoscere omnes cogitationes & lectora cordium.

16. Cognoscunt tamen beati secundum communem Theologorum in primis omnia mysteria fidei, saltem quo ad substantiam: visio enim succedit fidei, tanquam terminus viae conformiter ad illud Prophetæ: Psal. 47. *sicut audivimus, sic vidi- mus.* Et & illud Apolloli 1. Cor. 13. cum autem venerit, quod perfectum est, evanescatur, quod ex parte est. Unde Augustini 20. de Civ. c. 21. dicit: *quid videbimus, nisi DEUM, & omnia illa, quæ nunc non videmus credentes?* Dixi: *saltem quod ad substantiam,* hoc est, specificam rationem mysteriorum: nam quoad omnes differentias individuales, circumstantias loci, vel temporis, singularum quoque peculiares rationes & ordinatio- nes, non omnia clarè cognosci ex loco scriptura supra citato de extremo judicii die, satis constat.

Cognoscunt præterea ordinem, partes, species, naturam, virtutes & proprietates totius universi; nec non illi omnia, quæ pertinent ad ejus statum, quem in hac vita gesserat, quæque per sonam ipsius concernunt. Quorum omnium ratio est, quod visio beatifica latet, & explicat omnem rationabilem appetitum beati: sed beati rationabiliter apparet in primis illa clare videntes in patria, qua obscurè crediderunt, & è quibus Theologicas conclusiones derivarunt in via: Nec non dispositionem & seriem totius universi, cuius perfecta cognitione naturæ Angelicæ est concessa: ac tandem quæ statum aut per sonum proprium concernunt.

Inde est, quod, ut dictum, Christus D. omnes videat cogitationes hominum & Angelorum, & quæcumque scientiæ visionis continentur, quia nôste hæc omnia ad ipsum statum pertinent, proprie dignitatem capitis, & hypostatica unionis. Ideo quoque vident beati seriem & ordinem sua pradestinationis, quia hæc maximè personam & statum beatitudinis concernit. Vident Sancti eorum preces ac constitutionem, qui te ipsum in recessione commendant, præcipue SS. Angelii Custodes, quæ circa suos clientes aguntur. Videri Beatissima Virgo, eu Patrona omnium Christianorum omnium statum, necessitates, &c.

Vident, inquam, hæc omnia beati, & ab initio sua beatitudinis simul, absque successione vident, ut S. Doct. hic a. 10. Non enim inquit S. August. L. 15. de Trin. c. 16. erunt volubiles cogitationes nostra, ab aliis in alia euntis atque redeuntis, sed omnem scientiam nostram uno simul conspicueri videbimus. Est enim ea, quæ beati vident, non simul, sed successivè eveniant, quia tamen habent similitudinem in aeternitate divina essentia; ipsa quoque visio aeternitate participata mentitur, & per invariabilia principia regularatur, ideo non successivè, sed simul beatorum conspicueri objiciuntur. Unde si quæ in tempore & successione ad Angelis vel Beatis cognita à S. Script. referuntur, ut i. 63. & Dan. 10. non de cognitione in Verbo, sed quæ per specialem revelationem extra Verbum habentur, sum intelligenda.

Dices: Ex decimo cap. Danielis constat fulgur pugnare inter Angelos ex eo ortam, quod ipsum ignoramus, quid circa clientes sua cura commissum Divina providentia in futurum disponuerit: ergo non subfusit, quod beati statim ab initio sua beatitudinis videant omnia, quæ ad suum statum pertinent. Resp. cum communi Thomist. & Godoyi hic disp. 21. §. 4. sufficere, quod beati præcipue eventus & individua ad suum statum pertinentia à principio in Verbo cognoscant, omnes autem eventus in particulari successivè & extra Verbum possunt per specialem revelationem cognoscere.

§. IV.

Nominabilitas D E I.

Nota: Triplex DEO nomen imponi posse. Primum, quod ipsum comprehensive significat. Secundum. Quod licet non comprehensive, tamen quidditative, ut in se est. Tertium. Quod quidem

quidem DEUM secundum aliquid sui propriè & substantialiter significaret, non tamen quidditativer, ut in se est, sed abstractivè & prout subest nominis inadiquatis conceptibus. Hoc posito sit CONCLUSIO. Primo modo solus DEUS, secundum beatu M videntes; tertio etiam viates DEU M nominare possunt. Ita S. D. hāc q. 13. a. I. & seq.

Ratio totius conclusionis est ex Philosopho 1. d. Interp. ubi dicit, quod nomina significant res mediante conceptu, & voces sunt note carum, que in anima sunt passionum. Unde secundum quod aliquid à nobis intellectu cognosci potest (inquit S. D.) sic à nobis potest nominari, sed DEUS sūt solum cognitione comprehendi potest: ergo etiam à solo comprehensivè nominari. Cognoscitur autem quidditativer ut in se est, à beatis; ergo sic etiam ab ipsis nominari potest, id est rursus S. D. sūt intellectus noster DEVM per se ipsum videbit, illipso imponere nomen unum, quod erit in paria: ideo dicitur Zach. ult. In illa die erit dominus annus, & nomen ejus unum. Tandem ab-

stractivè & inadiquatè cognoscitur à viatoribus: ergo etiam à nobis abstractiva nomina ipsius quidditatorem sūtem inadiquatè experimentia potest accipere. De quibus in superioribus abunde dicimus.

Dices: Beati non possunt de DEO formare verbum: ergo nec nomen quidditativer DEUM exprimens. Resp. nego consequentiam, quia per verbum intelligunt species expressa, quae sit adæquata & formalis similitudo ipsius, inō ipsum obiectum in esse intelligibili; quod implicat ex dictis: nomen vero tantum importat rationem signi, quod etiam salvatur absque formalis similitudine in conceptione & intellectione creata, terminata ad divinam essentiam, ut in se est. Ex quibus intelliges, quo sensu DEUS non tantum incomprehensibilis, sed etiam ineffabilis, & innominabilis à SS. PP. nominetur: nimirum innominabilis comprehensivè respectu omnis creaturæ; innominabilis quidditativer in se est respectu viatoris. Et hāc de Visione.

DISPUTATIO XI.

DE

Scientia DEI in genere.

Ad q. 14. D. Th.

Scientia aliquando latiori sensu accipitur pro quaenunque cognitione certa & evidente; alias pressiori significatione pro cognitione certa & evidente per causam. Priori modo DEUM infinitè scientem, hoc est, intelligentem esse, tam respectu sui, quam creaturarum ex fide & ratione certum est. Ex fide quidem, declarat Job. 12. Apud ipsum est sapientia & fortitudo, ipse habet consilium & intelligentiam, aliisque quam plurimi locis. Ratione vero, quia de ratione actus puri, entis à se, perfectissimi agentis, & viventis vitæ infinitè perfectæ, non est tantum esse intellectum (inō esse intellectuum radicale vel in actu primo, virtualiter intrinsecè distinctum ab actu secundo, in DEO admitti non posse, dictum est. Disp. 3. a. 4. §. 2.) sed ipsum intelligere: insuper actus purus exigit habere omnem perfectionem simpliciter simplicem, qualis utique est intellectio & scientia. Restat igitur hoc capite inquirendum; quomodo scientia Divina se habeat tum per ordinem ad DEUM ipsum, tum per ordinem ad creaturas.

ARTICULUS I.

An S. D. infinitam intellectualitatem DEI demonstrative probaverit ex ejus infinita immaterialitate?

S U M M A R I A.

1. Quotuplex sit immaterialitas?
2. Defendit probatio D. Thome inductione cognoscientiam.
3. Et ratione, ex natura materie desumpta.
4. Autoritas PP. pro eadem sententia.
5. Mariana opinio & obiectio.
6. Bruta habent modum cognoscendi immaterialem immersive.
7. Angeloi non equaliter excludunt materiam, quo ad conditionem potentialitatis.
8. Ratio S. D. procedit de substantiis immaterialibus.
9. Retorsio contra Adversarios.
10. S. D. non probat esse cognoscitum per capacitym plurium formarum.
11. Quando esse recipientum sit esse materiale?
12. Infirmitas adversus rationem S. D.
13. Refutatur responsio Ferrarensis.
14. Vera differentia inter cognoscientia & non cognoscientia.

15. Non